

*Patrwm cyflwyno O fis Chwefror i fis Hydref
O fis Hydref i fis Mehefin*

Disgrifiad o'r modiwl

Modiwl 60 credyd Lefel 1 yw B100 sydd wedi'i gynllunio i gyflwyno'r gwahanol elfennau mewnol ac allanol sydd i fusnes i fyfyrwyr a'u helpu i ddeall y cyd-destun y mae busnes yn gweithredu ynddo. Byddant yn archwilio nodau a nodweddion cyffredinol busnesau a beth sy'n eu gwneud yn wahanol. Caiff gwahanol ffurfiau ar strwythurau busnes, diwylliannau a swyddogaethau eu nodi a chaiff yr ystyriaethau gwleidyddol, cymdeithasol, technolegol a moesegol sy'n effeithio ar fusnesau eu cyflwyno. Bydd saith llyfr astudio yn cwmpasu: cyflwyniad; pobl yn y gwaith, deall gwybodaeth ariannol, marchnata, y cyd-destun gwleidyddol ac economaidd, cyfrifoldebau cyfreithiol a moesegol a'r cyd-destun byd eang.

Manyleb Person

Dylid darllen manyleb y person sy'n benodol ar gyfer y modiwl hwn yn unol â [manyleb gyffredinol y person](#) ar gyfer Darlithydd Cyswllt yn Y Brifysgol Agored.

Yn ogystal â bodloni'r holl ofynion a gaiff eu nodi ym manyleb gyffredinol y person, dylech:

- fod gennych o leiaf radd gyntaf mewn Astudiaethau Busnes, neu radd nad yw'n radd busnes yn ogystal â chymhwyster ôl-raddedig mewn pwnc sy'n ymwneud â busnes (e.e. byddai gradd gyntaf mewn Seicoleg neu Beirianneg a Thystysgrif Ôl-raddedig mewn Rheoli yn addas). Caiff ymgeiswyr sydd â chymhwyster Meistr mewn maes perthnasol (e.e. MBA, M.Ed.) bwysoliad ychwanegol. (asesir ar sail ffurflen gais)
- darparu tystiolaeth o brofiad o ddysgu a/neu hyfforddi oedolion (caiff profiad sylweddol o hyfforddi, hwyluso a hyfforddiant yn y gweithle ei ystyried fel profiad amgen yn lle addysgu ffurfiol, er y caiff pwysoliad ychwanegol ei roi i ymgeiswyr gyda phrofiad addysgu AU). (asesir ar sail ffurflen gais ac yn y cyfweliad)
- dangos profiad o ddefnyddio cyfryngau ar-lein cydamseredig ac anghydamseredig mewn amgylchedd addysgu a dysgu. (Caiff ymgeiswyr sy'n defnyddio cyfryngau masnachol cyfatebol yn y gweithle eu hystyried, er y caiff mwy o bwysoliad ei roi i ymgeiswyr gyda phrofiad addysgu drwy Live/Adobe Connect Y Brifysgol Agored, Blackboard, Collaborate neu unrhyw gyfryngau cyfatebol eraill a ddefnyddir mewn SAU). (asesir ar sail ffurflen gais)
- dangos profiad busnes perthnasol neu ymgynghori ar ran busnes drwy gymhwyso sgiliau damcaniaethol yn y gweithle. Caiff pwysoliad ychwanegol ei roi i ymgeiswyr sy'n gallu dangos profiad ymarferydd perthnasol mwy diweddar (o fewn y 5 mlynedd diwethaf). (asesir ar sail ffurflen gais ac yn y cyfweliad)
- dangos hygrededd academiaidd mewn amrywiaeth eang o feysydd Astudiaethau Busnes cyffredinol. Gan mai modiwl cyffredinol yw hwn, rydym yn chwilio am ymgeiswyr sy'n gallu amlinellu arbenigedd addysgu mewn o leiaf 3 maes e.e. economeg, cyllid, AD, ymddygiad sefydliadol, marchnata, gweithrediadau, moeseg/cyfrifoldeb cymdeithasol corfforaethol, a globaleiddio. (Caiff mwy o bwysoliad ei roi i ymgeiswyr â mwy o feysydd.) (asesir ar sail ffurflen gais ac yn y cyfweliad)
- amlinellu sut rydych wedi cefnogi myfyrwyr i gyflawni'r deilliannau dysgu, yn enwedig sgiliau astudio a nodwyd ar gyfer; ysgrifennu academiaidd, llythrennedd rhifol, llythrennedd digidol a meddwl yn feiriadol. (asesir ar sail ffurflen gais ac yn y cyfweliad)

Gwybodaeth ychwanegol

Dylid cynnwys elfennau craidd manyleb gyffredinol y person, dylai ymgeiswyr gyfeirio at y canlynol yn benodol:

- Profiad o weithio gyda charfannau myfyrwyr amrywiol ac ymwybyddiaeth o anghenion gwahanol.
- Argaeledd a hygyrchedd i fyfyrwyr.
- Sgiliau cyfathrebu ysgrifenedig da yn Saesneg.

Disgwylir i chi:

- Gynnal tiwtorialau wyneb yn wyneb (neu'r amser cyfatebol ar-lein).
- Hwyluso fforymau ar-lein a gweithio yn Adobe Connect ar gyfer sesiynau ar-lein. Bydd datblygiad staff ar gael i ymgeiswyr, fel y bo'n briodol.

Nodiadau Proses Ychwanegol i ymgeiswyr:

Caiff y broses gyfsweld ei chynnal dros sawl cam i ymgeiswyr:

- **Sesiwn Adobe Connect:** Mae Adobe Connect yn adnodd addysgu gorfodol ar B100. Mae'n rhaid i bob ymgeisydd sy'n dangos safon benodadwy yn y cyfweiliad fynd ar gwrs hyfforddi mewnlol Adobe Connect a datblygu cymhwysedd cyn y gellir cynnig contract (neu ddangos tystiolaeth o fynd ar y cwrs o'r blaen). Cynghorir ymgeiswyr i beidio ag oedi cyn cofrestru ar gyfer y cyfle nesaf posibl. Caiff hyfforddiant Adobe Connect ei hysbysebu'n rheolaidd ar TutorHome ac ar Faculty neu sianeli rhanbarthol weithiau.

Manylion sy'n ymwneud â'r modiwl – mae eglurhad llawn ar y wefan:

Y credydau a gaiff eu dyfarnu i'r myfyriwr ar ôl cwblhau'r modiwl yn llwyddiannus	60
Nifer yr aseiniadau a gyflwynir gan y myfyriwr	5
Dull cyflwyno aseiniadau	2
Lefel y gofynion TGCh	2
Nifer y myfyrwyr sy'n debygol o fod mewn grŵp safonol	20
Band cyflog	8
Y nifer amcangyfrifedig o oriau fesul wythnos addysgu	7